



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1858

XIX. Papst Alexander IV. untersagt den Augustinern, Brüder des Minoriten-Ordens in ihren Orden aufzunehmen, am 5. Februar 1257.

Nutzungsbedingungen

[urn:nbn:de:hbz:466:1-54890](https://nbn-resolving.org/urn:nbn:de:hbz:466:1-54890)

delectat extirpare uicia et plantare uirtutes, et apostatas et insolentes uestri ordinis, nisi uestris salutaribus monitis acquiescant, excommunicare, capere ac ligare et carceri tradere, si uidebitur expedire, possitis, auctoritate presentium concedimus facultatem, invocato ad hoc si necesse fuerit auxilio brachii secularis. Nulli ergo omnino hominum liceat hanc paginam nostre concessionis infringere uel ei ausu temerario contraire. Si quis autem hoc attemptare presumpserit, indignationem omnipotentis Dei et beatorum Petri et Pauli apostolorum eius se noverit incursum. Datum Laterani, V. Kal. Januar., pontificatus nostri anno tertio.

Nach dem Originale in dem archival. Nachlaß des St. Annen-Klosters in Stendal.

XVIII. Papp Alexander IV. bewilligt den Minoritenbrüdern für sich freies Begräbniß,
am 3. Januar 1257.

Alexander episcopus, seruus seruorum dei, Dilectis filiis Generali ministro et fratribus ordinis fratrum minorum salutem et apostolicam benedictionem. Ita uobis et ordini uestro deferre uolentes, ut non detrahatur iustitiis aliorum, deuotionis uestre precibus inclinati, auctoritate uobis presentium indulgemus, ut in locis, in quibus degitis et celebratis diuina, ad opus fratrum uestrorum dumtaxat habeatis liberam sepulturam. Nulli ergo omnino hominum liceat hanc paginam nostre concessionis infringere uel ei ausu temerario contraire. Siquis autem hoc attemptare presumpserit, indignationem omnipotentis dei et beatorum Petri et Pauli Apostolorum eius se noverit incursum. Datum Laterani, III nonas Januarii, Pontificatus nostri Anno Tertio.

Nach dem Originale im Nachlaß des St. Annenklosters.

XIX. Papp Alexander IV. untersagt den Augustinern, Brüder des Minoriten-Ordens in ihren
Orden aufzunehmen, am 5. Februar 1257.

Alexander episcopus, seruus seruorum dei, Dilectis filiis prioribus et fratribus heremitis ordinis sancti Augustini et sancti Willibaldi per Alamaniam constitutis salutem et apostolicam benedictionem. Vestram et ordinum uestrorum condecet honestatem, ut ordinate caritatis studio defudantes super hiis, que tanquam ingrata nobis et inimica refugitis neminem offendere presumatis. Hinc est, quod nos dilectorum filiorum fratrum de ordine Minorum supplicationibus inclinati, uniuersitati uestre per apostolica scripta in uirtute obedientie districte precipiendo mandamus, quatenus si quos fratres ipsius ordinis absque suorum ministrorum petita et obtenta licentia recepistis, eidem ordini sine dilatione et difficultate qualibet restituere studeatis. Nos autem ad precludendam uiam similia in posterum presumendi, auctoritate presentium districtius inhibemus, ne pretextu quarumcunque literarum a sede apostolica generaliter uel specialiter obtentarum seu obtinendarum,

que de presentibus plenam et expressam non fecerint mentionem, in posterum dicti ordinis fratres professos sine prefata licentia in ordinibus vestris aliquatenus admittatis, ac decernentes nihilominus irritum et inane, quicquid per vos contra preceptum et inhibitionem nostram super hoc contigerit attemptari, eadem auctoritate statuimus ut presumes scienter contra huiusmodi preceptum et inhibitionem propria temeritate venire, ipso facto sententiam excommunicationis incurrant, a qua non possint absolui, nisi conspectui sedis apostolice personaliter se presentent, ab ea juxta ipsius providentiam absolventi. Nulli ergo omnino hominum liceat hanc paginam nostre inhibitionis et constitutionis infringere vel ei ausu temerario contraire. Si quis autem hoc attemptare presumpserit, indignationem omnipotentis Dei et beatorum Petri et Pauli apostolorum ejus se noverit incursum. Datum Laterani, Non. februarii, Pontificatus nostri anno tertio.

Nach dem Orig. im archival. Nachlaß des St. Annen-Klosters in Stendal.

XX. Papst Alexander IV. gestattet den Minoriten-Stiften die Zulassung von Lectoren nach
Vorschrift ihrer Ordensregeln ohne anderweite höhere Genehmigung, am 28. März 1257.

Alexander episcopus, servus servorum dei, Dilectis filiis Generali et ministris provincialibus de aliis fratribus ordinis minorum Salutem et apostolicam benedictionem. Exultante spiritu frequenter advertimus, quod status ecclesie generalis per uestre predicationis ac doctrine salutaris instantiam, diuina gratia suffragante, multipliciter illustratur. Ex hac liquidem pia consideratione procedit, quod nos ad illa omnia esse prompti delectamur et faciles, per que uos precones diuini nominis in declarandi fidei sciencia et roboranda operum disciplina uestri desiderii sanctitatem perficere ualeatis. Hinc est, quod nos deuotioni uestre presentium auctoritate concedimus, ut singuli fratres de ordine uestro, quos secundum constitutiones ipsius ordinis conuentibus uestris deputandos duxeritis in lectores, sine cuiusquam alterius licentia libere in domibus predicti ordinis legere ac docere ualeant in Theologia facultate, illis locis exceptis in quibus uiget studium generale ac etiam quilibet in facultate ipsa docturus sollempniter incipere consuevit. Nulli ergo omnino hominum liceat hanc paginam nostre concessionis infringere vel ei ausu temerario contraire. Siquis autem hoc attemptare presumpserit, indignacionis omnipotentis dei et beatorum Petri apostolorum eius se noverint incursum. Datum Laterani, V kalendas Aprilis, Pontificatus nostri Anno Tertio.

Nach dem Original aus dem Nachlasse des St. Annen-Klosters.